



Bilten

mjesečni
omladinska mreža bosne i hercegovine



januar
siječanj
2022.

272

Dragi prijatelji/ce,

Predstavljamo vam **januarsko** izdanje (272) mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.orctuzla.ba



SADRŽAJ

Aktivnosti u januaru.....	2
Planovi za februar.....	6
Aktivnosti članova mreže	7
Saopštenja/informacije/donatori/pozivi.....	13

Uživajte u čitanju!

AKTIVNOSTI ORC/HCA U JANUARU



Radni susret „Sljedećih 10 godina – BiH država za mlade“

Protekle sedmice **Western Balkans Democracy Initiative** okupio je mlade ljudi iz svih dijelova države, kako bi razgovarali kako Bosna i Hercegovina može biti država budućnosti i prilika za svoje mlade ljudе.



Pridružili su nam se lideri i liderice iz polja nauke, umjetnosti, biznisa i IT sektora, poduzetnici/ice, inovatori/ice, ali i budući politički liderice/ice, koji su nam još jednom pokazali da je budućnost BiH u njenim mladim ljudima.

Sa Richardom Grahamom, predsjedavajućim Odbora Westminster fondacije za demokratiju, mladi su razgovarali o pretvaranju prepreka u prilike, kao i različitim načinima za pravljenje dobrih promjena u društvu.

Poruka mlađih ljudi svima nama je jasna- iako trenutne prilike za njihov razvoj nisu povoljne, mlađi ljudi ipak žele da se uzdaju u znanje i resurse već dostupne kako bi kreirali budućnost BiH.

Na radnom susretu je, ispred ORC Tuzla, učestovao Malik Sakić

Zahvaljujemo se našim partnerima iz Ambasade Ujedinjenog Kraljevstva, Ambasade Kraljevine Nizozemske, Fondacije Mozaik i Regional Copperation Council što su nam se pridružili ovom prilikom, predstavili svoj rad te podijelili iskustva u radu sa mlađim ljudima.



CAT Bosna i Hercegovina

Tokom mjeseca januara, nastavili smo sa našim redovnim aktivnostima u sklopu projekta „CAT – Bosna i Hercegovina“.

Naše mačke su nastavile da oduševljavaju javnost na društvenim mrežama sa mnogo meme-ova, poziva na seminare, pozitivnih priča o mlađima iz Bosna i Hercegovine.


Ukoliko još uvijek ne pratite naše mačke – pozivamo vas da to učinite na:
[Facebook](#), [Web Portal](#), [Instagram](#) i [Youtube kanal](#).

Moji kidnaperi me vraćaju kući nakon 2 sata, jer sam ih oprao pričom kako je nacionalizam samo paravan za koruptivnu političku elitu..



“Budi rješenje, ne zagađenje”

Omladinski resursni centar Tuzla započeo je realizaciju ekološkog projekta pod nazivom “Budi rješenje, ne zagađenje”.



Projekat “Budi rješenje, a ne zagađenje!” zamišljen je projekat čiji će fokus biti na ekologiji i malim koracima koje svako od nas svakodnevno može raditi, kako bi spasili našu planetu Zemlju, jedini dom koji imamo. Činjenica je da mladi nisu ni upoznati, ni zainteresovani za ekologiju, te nisu svjesni koliku moć svaki pojedinac ima kada je u pitanju smanjenje otpada, smanjenje globalnog zagrijavanja i sl.

Zajedno ćemo se družiti na 4 aktivnosti:


1. Lijepljenje eko plakata u Tuzli.
2. Dijeljenje poklon paketa građanima i građankama grada Tuzle.
3. Dan društvenih igara (aktivnost gdje je jedina obaveza da se zajedno svi dobro zabavimo bez utroška električne energije).
4. Akcija čišćenja šetališta Slana Banja u Tuzli

Projekat je finansiran od strane Fondacije Tuzlanske zajednice.



Posjeta Zamjenika ambasadora Velike Britanije U BiH ORC-u Tuzla

Zamjenik ambasadora Velike Britanije Neil Kavanagh tokom mjeseca januara boravio je u Tuzli, gdje je razgovorao sa organizacijama mladih, nezavisnim medijima i partnerima u oblasti sigurnosti o uzajamno povezanim izazovima poput korupcije, osiguranja sredstava za život, očuvanja okoliša i otpornosti na politički ekstremizam, te o navedem temama razgovara upravo sa mladima iz Omladinskog resursnog centra Tuzla.



Anna Lindh Fondacija Bosanskohercegovačka mreža



Pripreme za Festival mladih „Tuzla freedom festival“

U okviru priprema za Festival Mladih „**Tuzla freedom festival**“, koji će se, pod pokroviteljstvom Anna Lindh Fondacije, održati u Tuzli, u periodu 10. – 13. marta, U Vitezu je 28. i 29. januara organizovan radni sastanak partnera: **Dis Teatra Mladih Banja Luka, Gradskog kazališta mladih Vitez i Omladinskog resursnog centra Tuzla**.

Na sastanku su dogovoreni tehnički detalji festivala, kriteriji za učešće na festivalu, te ostale pojedinosti. Osim ovog Festivala, kroz upitnike i deset fokus grupa u 10 BH gradova sa mladima iz Bosne i Hercegovine biće urađena i analiza situacije u kojoj se mladi nalaze u ovim turbulentnim situacijama, te preporuke za djelovanje kulturnih grupa u doba pandemije. Analiza će biti prevedena na engleski jezik i objavljena na našim glasilima.



TUZLA FREEDOM FESTIVAL 2022.

festivala. Više o samom festivalu, kao i javni poziv očekujte u narednih nekoliko dana.



Punoljetni smo i to nije šala!"

Krajem januara 2004. godine, nakon povlačenja međunarodne organizacije hCa iz Tuzle, na istim principima, ciljevima i fokusima, sa Vizijom boljeg i pravednijeg društva, ravnopravnijih mogućnosti za mlade u BiH, posebno iz manjih i izolovanih sredina, a zajedno sa mladima – članovima Omladinske Mreže u BiH, u Tuzli je i zvanično registrovan Omladinski resursni centar (ORC).

Iza nas je 18 godina aktivizma, volontiranja, kampanja, susreta mladih, neformalnog obrazovanja, druženja, upoznavanja mladih u cijelom regionu, putovanja, rada na sebi i rada sa vršnjacima.

Danas nam je 18 godina. Postali smo punoljetni, ali nam to ne smeta da nastavimo dalje. Ovo je još jedna godina u koju ulazimo u želji da ponovo budemo najvidljiviji i najglasniji mladi, ali i da drugim mladima damo što je više medijskog prostora i kredibiliteta i pozovemo ih da nam se pridruže u ovoj "rovovskoj" borbi za prava mladih čitave BiH.



Plašeći se da nekog ne izostavimo, a i zbog toga što bi nam bilo potrebno jako puno prostora, nećemo navoditi nikoga pojedinačno. Jednostavno, želimo da se zahvalimo za strpljenje, volju, podršku, pomoć, saradnju, lijepu trenutku, uspjehe i sve ostalo svim našim partnerima, saradnicima, donatorima, volonterima, kolegama, predstavnicima vlasti, privrednicima, i svima ostalima koji su, zajedno sa nama, "iskovali" ovih **18** godina. **HVALA VAM!**

REDOVNE AKTIVNOSTI ORC I HCA TUZLA

Tokom januara radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANNOVI HCA/ORC-A ZA FEBRUAR 2022.

-  Nastavak aktivnosti u okviru partnerskog projekta „**Youth Rule of Law (YroL)**“, čiji je nosilac Udruženje „**Ja BiH u EU**“ iz Sarajeva, a podržan je od strane **Evropske unije**. Projekat traje 30 mjeseci. U februaru i martu planiramo organizovati aktivnosti na Mok up trialima, o čemu ćemo vas informisati na našim glasilima.
-  Nastavak rada na fundraisingu za nove aktivnosti.
-  Nastavak implementacije projekta „**Budi rješenje – ne zagađenje**“, finansiranog od strane Omladinske banke Fondacije Tuzlanske zajednice.
-  Početak aktivnosti na novom CAT projektu.
-  Početak priprema za održavanje omladinskog festivala: „**Tuzla Freedom Festival**“ (Tuzla, 10. – 13. mart), kao i distribucija upitnika i organizovanje fokus grupa u 10 BH gradova, čiji će rezultati poslužiti za izradu analize o položaju mladih u BiH. Analiza će kasnije biti objavljena na našim informativnim glasilima, ali i distribuirana u 43 zemlje, članice Anna Lindh Fondacije.
-  I, akoBogda početak realizacije rekonstrukcije tavana iznad naših kancelarija, koji smo dobili od grada Tuzla na korištenje, te otvaranje **Centra Aktivista Tuzle**. Do sada smo uspjeli očistiti i izbaciti smeće koje se decenijama nakupljalo na tavanu (otprilike 4-5 tona papira, drveta, lima, stakla i ostalog smeća), ali i pronaći dosta fotografija Tuzle i aktivnosti sportskih klubova i mladih u periodu 1960 – 1985. Od ovih fotografija planiramo napraviti izložbu u skorije vrijeme. **Dobili smo i nešto opreme i namještaja za opremanje prostora od IOM – BHRI. Ovom prilikom im se toplo zahvaljujemo na donaciji!** Trenutno se nalazimo u fazi rješavanja Urbanističke saglasnosti. Nakon toga slijedi građevinska dozvola i krećemo polako sa namicanjem sredstava.

AKTIVNOSTI ČLANICA OMLADINSKE MREŽE BiH



OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac



Dnevne radionice

Omladinska organizacija Svitac je nastavila sa svakodnevnim interaktivnim i online aktivnostima. Mladi učesnici su radili kreativne i edukativne stvari prilagođene uzrastu, uz pomoć lokalnih i međunarodnih volonterova. Ovaj mjesec su radili: snježne kugle, leptire i zvijezde od papira i vate, slova F, G, I, J, H, K i crtanje predmeta koji počinju na jedno od ovih slova. Učili su i o običajima proslave Nove godine diljem svijeta, pisanju i slanju novogodišnjih čestitki. Na engleskom i njemačkom su učili kako da kažu riječi vezane za zimu i zimske sportove. Cilj ovih edukativnih aktivnosti je da djeca razviju maštu i da koristeći razne materijale izraze svoju kreativnost, te da razviju motoriku, pamćenje, osjećaj tolerancije i poštovanje prema drugima i usvoje lijepo ponašanje. Sve radionice su implementirane uz edukativnu vizuelnu metodu sa slikama i videom.



Uzrast 13+ je učestvovao u diskusijama/radionicama na teme: ljudska prava, volontiranje u inostranstvu, razlike u dijalektima u Njemačkoj i Engleskoj, proslave Božića i Nove godine u različitim zemljama i uticaj influensera na mlade. Na ovaj način želimo mladima pružiti siguran i neutralan prostor, u kojem mogu reći svoje mišljenje.

Na engleskim i njemačkim radionicama su radili na vježbanju svakodnevne komunikacije i gramatike, te smo pomagali pri izradi domaće zadaće i školskih projekata.



Radionice gitare

Učesnici su uvježbavali nove stvari: „Etida u A molu“ (D. Aguado), „Tordion“ (Pierre Attaignant), „Grand Slam“ (Charlie Christian) i valcer u A duru (F. Carulli).



Radionice sambe

Grupa je radila na jednoj kompoziciji, kako bi se poboljšali aranžmani i određene nijanse Radni naziv kompozicije je „Die Schulter von Fraust des Zweiten“. Takođe, bilo je i vremena za kratke improvizacije na kraju svake radionice.



Međunarodni dan obrazovanja

Međunarodni dan obrazovanja obilježava se 24.januara širom svijeta pod pokroviteljstvom UNESCO-a. Ovaj dan je simbol jačanja uloge koju obrazovanje ima za kreiranje globalnog mira, razvoja i napretka. Omladinska organizacija Svitac je Međunarodni dan obrazovanja obilježila sa učesnicima na kreativnoj radionici, razgovarajući o tome kako bi izgledala škola iz njihovih snova. Imati prijatelje u blizini, moći skakati na trampolinu tokom časova i naučiti mnogo različitih stvari – to su bile samo neke stvari koje bi djeca željela imati u ovoj školi. Radionica je održana u prostorijama Omladinskog centra Brčko distrikt.



Za februar se planira nastavak svih aktivnosti Omladinske organizacije Svitac.

Institut za razvoj mladih KULT



UI. 4. Viteške brigade
34 – 36 BA, 71210 Iličići, Sarajevo
Tel: +387 33 778 778.
Fax: +387 33 778 79
E-mail: kult@mladi.org, web: www.mladi.org



Prijave na UMID! otvorene do 6. februara!

Prijave na **Javni poziv za učešće u sedamnaestoj generaciji Uči, Misli i Djeluj! UMID obuci za omladinske lide** zatvaraju se u nedjelju, 6. februara 2022. godine u 23.59 sati. Drugim riječima, ostalo je još samo nekoliko dana da se prijaviš i budeš dio obuke koja mijenja život.



OBUKA

Budi i ti dio obuke koja mijenja život!

UMID 17

Švedska
Sverige

Institut za razvoj mladih KULT

MLADI.ORG

Tako UMID opisuju polaznici iz prvih šesnaest generacija. UMID obuka inkubator je mladih lidera aktivnih u društvu. Obuka koja ti omogućava da postaneš primjer i pokretačka snaga u svojoj zajednici i učestvuješ u rješavanju problema mladih, ali i da se pripremiš za vlastitu karijeru, stekneš nove vještine, upoznaš nove mlade ljudе slične sebi, usavršavaš se i družiš.

KAKO UMID MIJENJA ŽIVOT?

UMID je jednogodišnja obuka koja se sastoji od sedam dvodnevnih modula i ljetne škole, a obuhvata teme koje su tebi, kao mladoj osobi, neophodne da budeš aktivan član društva i pravi lider u zajednici. Tokom obuke UMID naučit ćeš kako da animiraš svoje vršnjake da se i oni uključe u rješavanje problema mladih u zajednici, kako možeš uvjeriti donosioce

odлуka i druge učesnike u svojoj društvenoj zajednici da daju konkretnu podršku mladima, kako da se ponašaš jednog dana kad uploviš u poslovni svijet i mnogo drugih korisnih stvari.

LIDERSTVO U PRAKSI?

Tokom obuke imat ćeš priliku da Učiš o temama koje smo nabrojali, a obuka će te potaknuti da Misliš o sebi, vršnjacima, zajednici i građanskom aktivizmu kao alatu za promjene. Kako znanja stečena tokom obuke ne bi ostala samo na nivou teorije, imat ćeš priliku da ih praktično primjeniš i da Djeluješ u svojoj lokalnoj zajednici s ciljem poboljšanja položaja mladih. Provođenjem lokalne građanske inicijative (LGI) napravit će promjenu u tvojoj zajednici. Lokalnu građansku inicijativu smišljaš zajedno sa mladim ljudima iz zajednice, a cjelokupan proces provođenja će savjetodavno i finansijski podržati Institut.

TROŠKOVI?

Ako ti ovaj poziv zvuči primamljivo i na korak si do prijave, ali nisi siguran ko će to sve platiti, molimo te da se ne brineš za to! Institut snosi troškove prijevoza, smještaja, hrane i materijala koje koristiš tokom obuke UMID.

Vrlo jednostavno!

Ako si motivirana mlada osoba, starosne dobi od 18 do 30 godina, sa prebivalištem u BiH, koja želi biti prepoznata u svojoj zajednici kao aktivista i lider koji predlaže, inovira i osmišljava kreativna rješenja sa ciljem stvaranja boljih uslova za mlade, onda pozuri i prijavи se jer upravo tebe čekamo!

Ukoliko si zainteresiran za učešće u UMID obuci, ispunjavaš navedene kriterije, želiš da se pokreneš i mijenjaš stvari u svojoj zajednici, a imaš ideju i kako to uraditi, potrebno je da snimiš video koji će odgovoriti na pitanje Šta ja mogu uraditi danas da mladima u mojoj zajednici bude bolje sutra?

Razmisli o konkretnim problemima i izazovima sa kojima se susrećeš ti i tvoji vršnjaci u zajednici. Kada prepoznaš najvažnije probleme i potrebe, osmisli kako bi mogao da ih riješiš i ispričaj nam to u formatu videa. Video ne treba biti duži od 3 minute.

Ukoliko smatraš da ćeš se bolje izraziti tekstrom ili nekom drugom formom, budi slobodan to učiniti. Tekst ne treba biti duži od jednog lista A4 formata u fontu Times New Roman, veličina 11.

Za obuku se prijavljuješ putem elektronskog prijavnog obrasca koji se nalazi [OVDJE](#) u okviru kog ćeš nam dostaviti i svoj rad (video, tekst...) na zadatu temu. U obrascu je potrebno da navedeš i dvije preporuke osoba koje bismo mogli kontaktirati (ime, prezime, pozicija i kontakt).

Ako ti sve ovo zvuči previše dobro da bi bilo istinito i volio bi da čuješ iskustva drugih mladih koji su prošli UMID obuku, možeš to uraditi na [OVOM](#) linku.

Cijeli tekst Javnog poziva za učešće u sedamnaestoj generaciji Uči, Misli i Djeluj! obuke za omladinske lide dostupan je na [OVOM](#) linku.

Dodatne informacije o UMID obuci i Javnom pozivu za učešće u obuci možeš dobiti i putem emaila zorana.tovilovic@kultbih.org ili broja telefona **033 778 765**.

NAPOMENA: Izrazi koji su radi preglednosti dati u jednom gramatičkom rodu u dokumentu bez diskriminacije se odnose jednakno na osobe svih rodova.

Link: <https://mladi.org/bs/projekti/3/umid-uci-misli-i-djeluj/8884-ostalo-je-jos-samo-10-dana-za-prijave-na-umid-17>



Podrška ženama žrtvama nasilja: Predstavnici i uposlenici institucija, kompanija i organizacija u BiH nosili narandžasto.

Svakog 25. u mjesecu obilježava se Narandžasti dan kada se skreće pažnja na borbu protiv nasilja nad ženama i djevojčicama. Provedena istraživanja o prisutnosti nasilja nad ženama govore da je u našoj državi svaka druga žena nakon navršene 15-te godine života doživjela neki od oblika nasilja. Ipak, više od 80% žena ne prijavljuje nasilje policiji.

Negativna statistika nas tjera da se aktivno uključimo u borbu protiv svih oblika nasilja nad ženama kroz prevenciju i prijavu nasilja, edukaciju i osvještavanje o ovom negativnom trendu u našem društvu.

Danas je potrebnije nego ikada ranije raditi na sprječavanju nasilja obzirom da statistike nevladinih organizacija koje se bave zaštitom žrtava i vode SOS telefon za prijavu nasilja ukazuju da je došlo do naglog povećanja nasilja u porodici kao i broja zahtjeva za prijem u sigurne kuće u periodu pandemije virusa COVID-19.

Zbog svega navedenog Institut za razvoj mladih KULT je, uz podršku Ambasade Švedske u BiH, pokrenuo inicijativu Ja #NosimNarandžasto za..., u okviru koje su predstavnici i uposlenici institucija, kompanija i organizacija širom Bosne i Hercegovine 24. i 25. januara nosili narandžasto kako bi se poslala jasna poruka podrške i ohrabrenja ženama i djevojčicama žrtvama nasilja, te skrenula pažnja na obim i važnost rješavanja ovog problema.



Zadaća cjelokupne javnosti je prvenstveno uključiti se u prevenciju nasilja kroz edukaciju i informiranje djece i mladih, a potom i sprječavanje i adekvatno prijavljivanje nasilja kojem svjedočimo.

Institut izražava zahvalnost Delegaciji Evropske unije u BiH i Ambasadoru Sattleru, Ministarstvu civilnih poslova BiH, Agenciji za ravnopravnost spolova, Ministarstva za ljudska prava i izbjeglice BiH, BH Telecomu, Općini Ilidža, Internacionalnom Burch univerzitetu, Mašinskoj školi Tuzla, Udruženju Mreža policijskih službenica i svim drugim učesnicima inicijative, koji su zajedno sa Institutom pružili podršku žrtvama u vremenu kada snažnije nego ikada moramo biti aktivni u sprječavanju nasilja.

Institut za razvoj mladih KULT od 2013. godine obilježava Narandžasti dan različitim aktivnostima i inicijativama, te će i u budućnosti nastaviti raditi na prevenciji nasilja nad ženama i djevojčicama.

*Link: <https://mladi.org/bs/projekti/3/change/8885-podrska-zenama-zrtvama-nasilja-predstavnici-i-uposlenici-institucija-kompanija-i-organizacija-u-bih-nosili-narandzasto>



Protiv korupcije se boriš kad progovoriš!

Da trend odlazaka mladih iz Bosne i Hercegovine ne prestaje, nažalost nije nikakva novost. Svakog dana svjedočimo sve većem broju odlazaka obrazovanih, radno sposobnih mladih ljudi koji svoju budućnost vide na nekom drugom mjestu.

Mnogo je razloga koje mladi navode za odlazak, a analiza rezultata istraživanja o položaju mladih u Bosni i Hercegovini koju je proveo Institut za razvoj mladih KULT pokazala je da je jedan od najčešće navedenih korupcija. Četvrto mjesto na ljestvici problema jasno ukazuje na to koliko su mladi u svakodnevnom životu pogođeni ovom negativnom pojmom.

Korupcijom su pogođene sve oblasti i segmenti života u Bosni i Hercegovini, a posebno oblast

zapošljavanja. Gotovo 90 posto mladih smatra da je podmićivanje kako bi se dobio posao u javnoj administraciji praksa u bh. društву, od toga njih gotovo 60 posto smatra da je podmićivanje prisutno u većini slučajeva dok za preostalih 30 posto takva praksa postoji, ali nije učestala.

Preko 55% mladih čulo je da je neko iz njihovog okruženja platio određenu novčanu sumu da bi dobio radno mjesto, a skoro 5% njih bilo je direktni svjedok kupovine radnog mjesta.



The image shows a close-up of a woman's face. Her mouth is wide open, and a zipper is pulled across it, from the top lip to the bottom. She has dark hair and is wearing a red corduroy jacket. The background is dark.

**PROTIV
KORUPCIJE SE
BORIŠ KADA
PROGOVORIŠ!**

Korupcija je jedan od glavnih okidača za odlazak mladih iz Bosne i Hercegovine.

Prijavi korupciju na: prijavikorupciju@uk.ks.gov.ba

#ZATVORENOZAKORUPCIJU

KANTON SARAJEVO
Ured za borbu protiv korupcije
i upravljanje kvalitetom

NL Netherlands

KULT Institut za razvoj mladih KULT

Objavljeni rezultati trebali bi biti poziv na buđenje i akciju za sve institucije vlasti, organizacije i cjelokupno društvo. Jačom provedbom principa pravne države i vladavine zakona, transparentnim pravilima i procedurama te prijavom i procesuiranjem svih štetnih, koruptivnih radnji doprinosimo prevenciji korupcije i unaprjeđenju bh. društva.

Od septembra 2021. godine, Institut za razvoj mladih KULT vrlo aktivno radi na provedbi inicijative Reci NE korupciji u Kantonu Sarajevo u okviru koje, u saradnji s Uredom za borbu protiv korupcije i upravljanje kvalitetom Kantona Sarajevo radi na analizi mjera o sprječavanju sukoba interesa u institucijama Kantona Sarajevo,

te će zagovarati usvajanje politike upravljanja sukobom interesa za javne institucije u Kantonu Sarajevo.

Dodatno, Institut je započeo sa javnom kampanjom informiranja građana, a naročito mladih o prisutnosti korupcije u svakodnevnom životu građana. U sklopu kampanje, predviđeno je snimanje i emitovanje četiri televizijske emisije koje bi trebale privući pažnju javnosti i ukazati na štetnost korupcije na život pojedinca, ispitati stavove građana i mladih o korupciji te pružiti osnovne informacije o borbi protiv korupcije i načinima prijave.

Kao što naslov kaže, protiv korupcije se boriš kada progovoriš, stoga, ukoliko ste svjedočili ili imate saznanja o štetnim i koruptivnim radnjama, prijavite ih anonimno [OVDJE](#).

Ova inicijativa se provodi uz podršku Ambasade Kraljevine Nizozemske.

*Link: <https://mladi.org/bs/projekti/2/reci-ne-korupciji/8869-protiv-korupcije-se-boris-kad-progovoris>



INFORMACIJE / NAJAVE / DONATORI / POZIVI



NATO Poziv za prijave projekata



Sigurnost utiče na sve nas svaki dan. Zato NATO podržava inicijative – velike i male – osmišljene da podstaknu učešće javnosti u raspravama o pitanjima odbrane, sigurnosti i vanjske politike.

Nudimo ko-sponzorstvo za konferencije, seminare, radionice, javne događaje i druge relevantne aktivnosti javne diplomacije, kao što su digitalni, multimedijalni ili online projekti, o pitanjima vezanim za mir i sigurnost.

Na koja pitanja treba da se fokusira projekat?

Sigurnost i odbrana:

- Mir i sigurnost
- Sigurnosne prijetnje: terorizam, sajber, klimatske promjene, dezinformacije i otpornost

Vrijednosti: sloboda, sloboda pojedinca, demokratija, vladavina prava

Evroatlantsko partnerstvo: reforme, borba protiv korupcije, povećana trgovina i prosperitet

Regionalna sigurnost i multilateralna (npr. EU) saradnja sa NATO-om

Koliko mogu tražiti?

Projekti do 10.000 € imaju pravo na do 100% sponzorstva;

Projekti od 10.000 € do 20.000 € imaju pravo na sponzorstvo do 10.000 €;

Projekti iznad 20.000 € imaju pravo na do 50% sponzorstva

Šta može pokriti grant?

Nastali troškovi angažovanja vanjskih stručnjaka:

- Naknade za govornike
- Hotelski i putni troškovi
- Obroci i osvježenje (ne može preći 25% NATO granta)
- Iznajmljivanje prostora i opreme
- Usluge prevođenja
- Troškovi oglašavanja i štampe
- Profesionalne video i fotografske usluge, naknade za održavanje konferencija na mreži

Ne možete tražiti da pokrijete svoje troškove osoblja ili infrastrukture. Međutim, do 5% granta se može koristiti za pokrivanje administrativnih troškova.

Koji je rok?

Rok za prijavu je 15. maj (za projekte koji traju od 1. avgusta do 31. decembra). Međutim, molimo vas da prijavite svoje interesovanje – u narednim mjesecima ćemo voditi savjetodavne sesije kako bismo pomogli onima koji se prvi put prijave i onima iz manjih organizacija.

Kako da saznam više?

Za više informacija i pomoć u procesu prijave, molimo vas da popunite formular na QR kodu ispod ili na e-mail nhsastratcom@gmail.com



Poziv za dostavljanje projektnih prijedloga

CIN i partneri pozivaju organizacije civilnog društva da dostave prijedloge za projekte o suzbijanju govora mržnje.

Centar za istraživačko novinarstvo zajedno sa partnerima iz Mreže za izvještavanje o različitosti Reporting Diversity Network 2.0 objavljuje Javni poziv za dostavljanje projektnih prijedloga o suzbijanju govora mržnje i boljoj prezentaciji različitosti.

Javni poziv je otvoren u sklopu projekta Reporting Diversity Network 2.0 koji ima za cilj da efikasno utječe religije i rodne ravnopravnosti u zemljama Zapadnog

na medijsku prezentaciju etničke pripadnosti, religije i rodne ravnopravnosti u zemljama Zapadnog Balkana.

Reporting Diversity Network 2.0 teži da aktivira ulogu civilnog društva u suprotstavljanju narativima koji dovode do podjela i njihovoj zamjeni prijeko potrebnim pozitivnim diskursom koji doprinosi vrijednostima dobrosusjedskih odnosa i poštivanju društvene raznolikosti.

Glavna namjera poziva je povećanje efikasnosti organizacija civilnog društva koje sarađuju sa medijima kako bi se smanjilo širenje stereotipa i negativnog prikaza drugih i drugačijih.

Specifični ciljevi poziva su:

- ojačati poziciju lokalnih organizacija civilnog društva u zaštiti prava svojih korisnika u medijima
 - pružiti priliku lokalnim organizacijama civilnog društva da utječu na javno mnjenje
 - povećati broj i kvalitet poruka koje se prenose publici
 - poboljšati vidljivost i medijsko prisustvo tema koje se odnose na pitanja prava žena i prava manjinskih grupa
 - podići svijest i doprinijeti pozitivnoj percepciji drugih, toleranciji i inkluziji u region

Vrste aktivnosti koje su prihvatljive za finansiranje (lista aktivnosti može uključivati i druge projektne aktivnosti sve dok doprinose gore navedenim ciljevima):

- a) kampanje zagovaranja i podizanja svijesti
- b) proizvodnja medijskog sadržaja
- c) kreiranje kampanja za suzbijanje narativa mržnje u javnom prostoru
- d) izrada posebnih internetskih stranica i portala koji omogućavaju građanima/kama da daju svoj doprinos te pristupe informacijama i javnim debatama
- e) konsultacije, okrugli stolovi i sastanci sa lokalnim zainteresovanim stranama
- f) uspostavljanje političkog dijaloga sa zainteresovanim stranama (npr. političkim strankama, lokalnim zvaničnicima, ekspertima iz lokalne zajednice, predstavnicima medija)

Sve projektne aktivnosti moraju biti realizovane na području Bosne i Hercegovine. Predviđeno vrijeme za realizaciju projekta je maksimalno 6 (šest) mjeseci.

Ukupan budžet programa je **27.500 eura**. Kako je predviđeno programom, Centar za istraživačko novinarstvo će podržati 5 (pet) projekata, dok će iznos pojedinačnih grantova iznositi od **3.000** do **8.000 eura**.

Organizacije civilnog društva koje apliciraju na ovaj poziv moraju zadovoljiti sljedeće kriterije:

- da su registrovane u skladu sa važećim zakonskim propisima u Bosni i Hercegovini i da su izmirile sve zakonske obaveze
- da imaju iskustva u oblasti zastupanja različitosti i/ili govora mržnje
- da budu direktno odgovorne za pripremu projekta i upravljanje projektom
- da bankovni račun organizacije nije blokiran
- da nisu korisnici sredstava Evropske komisije Civil Society Facility and Media Programme 2018-2019, budžetske linije: BGUE-B2018-22.020401 i BGUE-B2019-22.020401
- organizacije mogu dostaviti samo jedan projektni prijedlog u sklopu ovog programa kao aplikant ili kao partner

Na Javni poziv se mogu prijaviti različite vrsta organizacija civilnog društva: grassroot organizacije, članice mreža organizacija koje djeluju na nacionalnom ili regionalnom nivou te mediji osnovani kao organizacije civilnog društva.

Partnerstvo sa lokalnim medijima će se smatrati kao prednost i donosi dodatne bodove tokom procesa ocjenjivanja projekata.

Jednodnevni trening koji se odnosi na pravila i procedure za implementaciju EU grantova će biti organizovan za odabrane korisnike grant sredstava. Treningom će biti obuhvaćene teme kao što su: projekt-menadžment, smjernice za vidljivost, finansijsko izvještavanje itd.

Za odabrane organizacije civilnog društva će biti obezbijeđena mentorska podrška kao pomoć u realizaciji kreativnih medijskih kampanja s ciljem podizanja svijesti javnosti kao i upravljanja projektnim aktivnostima.

Pozivamo sve zainteresovane organizacije da popune prijavni obrazac i budžet na ovom linku.

Rok za dostavljanje projektnih prijedloga je 21. februar 2022. godine do 17:00 sati na e-mail adresu: mirza@cin.ba.

Za sva dodatna pitanja molimo vas da nas kontaktirate najkasnije **do 7. februara 2022. godine**.

Kriteriji za ocjenjivanje:

- 1) relevantnost projektnog prijedloga u odnosu na ciljeve Javnog poziva i relevantnost projektnog prijedloga u odnosu na potrebe ciljnih grupa (30 poena)
- 2) efikasnost i izvodljivost aktivnosti – jasna povezanost i dosljednost između ciljeva, očekivanih rezultata, predloženih aktivnosti i strategije (20 poena)

- 3) finansijski i operativni kapacitet za samostalnu realizaciju predložene aktivnosti – osnovni nivo organizacijskih i upravljačkih kapaciteta (20 poena)
- 4) utjecaj i učešće zainteresovanih strana – projektni prijedlozi moraju biti izvodljivi, a indikatori objektivno mjerljivi (broj građana/ki koji će biti uključeni u aktivnosti) (10 poena)
- 5) uključenost predstavnika ranjivih grupa i poštivanje rodne ravnopravnosti – projektni prijedlog mora uzeti u obzir potrebe ranjivih grupa (5 poena)
- 6) održivost – projektni prijedlog jasno odražava kako će biti održiv nakon završetka realizacije aktivnosti (5 poena)
- 7) budžet i troškovi efikasnosti aktivnosti – racionalan odnos između procijenjenih troškova i očekivanih rezultata mora biti zadovoljavajući (10 poena)

Evaluaciona komisija će tokom procjene projektnih prijedloga obratiti pažnju na geografsku zastupljenost i tematsku različitost grantova, pri tome poštujući principe jednakih mogućnosti i inkluzivnosti.

Napomena: Centar za istraživačko novinarstvo može tražiti dopunu dokumentacije, najkasnije osam dana nakon primanja projektnog prijedloga.

Poziv za učešće u kampanji “Ja sadim, a ti?”



Pozivamo sve koji biste željeli napraviti svoj PRVI mini eko vrt u kojem možete kombinirati povrće, voće, ljekovito/začinsko bilje i korisno cvijeće.

Ako živate u Bosni i Hercegovini, imate balkon, pristup terasi/dvorištu ili malenoj okućnici, najosnovnija znanja u rukovanju smart telefonom ili računarom, imate Facebook profil i član ste naše Facebook grupe “Ja sadim, a ti?” i želite učiti kako da njegujete uspješan vrt u skladu sa prirodom – onda ste vi naš pravi(a) kandidat(kinja)!

Prijaviti se možete na link https://bit.ly/Ja_sadim_a_ti_III

Poziv je otvoren do 14.03.2022. godine do 17:00h, ili do popunjavanja broja mjesta.

!! Napomena: Za popunjavanje aplikacije, potrebno je da imate gmail account kako bi mogli da pošaljete potrebne slike i skicu. Ukoliko nemate gmail account, možete kreirati svoj vlastiti gmail account ili zamoliti nekoga da podijeli sa Vama svoj gmail account kako bi mogli da popunite prijavu.«Ja sadim, a ti?» je kampanja namijenjena punoljetnim osobama koje NEMAJU ozbiljnog iskustva u proizvodnji hrane i NEMAJU već organiziran jestivi vrt da, uz podršku, steknu praktične vještine efektnog uzgoja hrane na malim prostorima (uzgoyne površine maksimalno 5 m²).

Pridružite se našoj Facebook grupi: <https://bit.ly/>



Dragi prijatelji,

Ukoliko ste zainteresovani da se u mjesecnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesечni bilten:

Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orctuzla@bih.net.ba

Mjesечni bilten uređuje
Omladinski resursni centar - ORC
Tuzla

Urednik Biltena:

Mirela Biković

Prevod Biltena na engleski:**Adnan Karamujić**

WEB stranica Mreže:
www.orctuzla.ba

Mejling lista Mreže:
posta@omladina-bih.net

Webmaster:
emir.delalic@gmail.com
anicic.dev@gmail.com

[JaSadimATiFB#MisliOPrirodi#ThinkNature#CP_CDba#EmbassyOfSwedenSarajevo#JaSadimATi](#)